

الصوم الكبير

شاري إفنوتي



لكن كلمة (هناك) بتشدد انتباهنا للذبيحة الحقيقية ... هناك (فوق الصليب في الجلجثة) قدم الابن الوحيد نفسه محرقة و ذبيحة واحدة حقيقية ليرفع خطايانا شعبه في كل الأزمان

سماع اللحن

التأمل

الصوم الكبير مميّز بألحانه الحزائني اللي بتزين القداسات و تعمل ليها طعم ثاني ... من ضمن الألحان دي مرد الإبركسيس للأيام (من الإثنين للجمعة) ... لحن شاري إفنوتي

كلام اللحن:
يرفع الله هناك خطايا الشعب من قبل المحرقات ورائحة البخور

كلماته معزّية و تتناسب مع روح التوبة اللي في الصوم الكبير ... و على طول بتفكرنا بالمشهد في العهد القديم ... لما كان الناس بتقدم ذبائح و محرقات تستر خطاياهم ... و برضه البخور كان

بيستخدمه الكهنة في العهد القديم

💡 لكن كلمة "هناك" بتشدد انتباهنا للذبيحة الحقيقية ... هناك (فوق الصليب في الجلجثة) قدّم الابن الوحيد نفسه محرقة و ذبيحة واحدة حقيقية ليرفع خطايانا شعبه في كل الأزمان ... و زي ما بنقول في لحن فاي إيتاف إينف: 'هذا الذي أصعد ذاته ذبيحة مقبولة علي الصليب عن خلاص جنسنا. فاشتّمه أبوه الصالح وقت المساء علي الجلجثة'

💡 هذه الذبيحة الحقيقية هي اللي هنتناول منها كمان شوية (جسد و دم حقيقي يعطى عنّا خلاصاً و غفراناً للخطايا) ... و البخور طبعاً ذبيحة تُقدّم أمام الله (زي ما بنعرف [هنا](#)) و صعوده معناه أن الله يقبل صلوات الشعب المُصلّي التائب و استراحت أحشائه لهذه الرحمة ليرفع الخطايا

💡 و عشان كده اللحن لحن حماسي و عالي (من أول بي لاؤس) لأن رغم التوبة و الحزن على خطايانا كلنا ثقة إن ربنا هيقبل صلواتنا و توبتنا و يرحمنا